

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KTD 0060173 24
Zenica, 10.04.2025. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu člana 45. stav 2. tačka i) i člana 241. stav 1. ZKP-a F BiH, podižem

O P T U Ž N I C U

Protiv:

K. E., neosuđivan,

što je,

dana 29.08.2024. godine oko 22,00 sati, na regionalnom putu P.-N., u mjestu D., upravljajući putničkim motornim vozilom marke ... reg. oznaka: ... vlasništvo K.E., vozeći iz smjera T. ka M., u kojem se na mjestu suvozača nalazio E. I., a na zadnjem sjedištu iza suvozača oštećeni, mlđb., vozio neoprezno i nedovoljno pažljivo u uslovima noćne vožnje, na dijelu kolovoza gdje su saobraćajne trake bile razdvojene punom linijom i gdje je prelazak na drugu saobraćajnu traku bio zabranjen postupajući suprotno odredbama člana 39. stav 1. Zakona o osnovama bezbjednosti saobraćaja na putevima u Bosni i Hercegovini, ne vodeći dovoljno računa o položaju vozila i pravcu kretanja, svjestan da zbog toga može izgubiti kontrolu upravljanja nad vozilom, ugroziti javni promet i dovesti u opasnost život ljudi, na što je pristao, uslijed čega je vozilom sišao sa kolovoza na desnu stranu u pravcu kretanja vozila i bočnom desnom stranom vozila u dijelu zadnjih vrata udario u betonski rasvjetni stub, od koga se vozilo odbilo te vratilo na desnu kolovoznu traku gledano iz smjera T. ka M. pa na asfaltnu površinu koja vodi u ulaz poslovnog prostora K. gdje se zaustavilo, kojom prilikom je oštećeni, mlđb. zadobio tešku tjelesnu ozljedu u vidu preloma obje kosti desne podlaktice u donjem dijelu i lake tjelesne ozljede u vidu nagnječenja glave sa nagnječno-razdornom ranom čeonu, nagnječenje glave tjemena i trzajne povrede vrata,

dakle, kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost život ljudi, uslijed čega je prouzrokovana teška tjelesna ozljeda neke osobe,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.